



Broj: 05-04-20-2691-3/20

Datum: 25.08.2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine Općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-2691-2/20 od 25.08.2020. godine, Općina Maglaj, ovlašteno lice ugovornog organa Načelnik općine Maglaj d o n o s i

ODLUKU

o izboru najpovoljnijeg ponuđača

I

Najpovoljnija ponuda u postupku „Modernizacija i proširenje energetske i ekološke javne rasvjete u općini Maglaj“ je ponuda ponuđača „Kopkomerc“ d.o.o. Živinice, u iznosu od 65.025,00 KM bez PDV-a, odnosno 76.079,25 KM sa PDV-om, nakon održane e-aukcije dana 19.08.2020. godine.

II

Odabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

VI

Ova odluka ima se objaviti na web stranici Općine Maglaj, u skladu sa članom 70. stav (6) Zakona o javnim nabavkama.

Obrazloženje

Odlukom o pokretanju postupka, broj 05-04-20-2691/20 od 05.08.2020. godine, pokrenut je postupak javne nabavke „Modernizacija i proširenje energetske i ekološke javne rasvjete u općini Maglaj“, putem konkurentskog zahtjeva za dostavu ponuda.

Predmetna javna nabavka objavljena je na Portalu javnih nabavki, obavještenje o nabavci broj: 1140-77-3-32-3-30/20 od 06.08.2020. godine, ispravka obavještenja 1140-7-3-32-8-31/20 od 06.08.2020. godine. Procijenjena vrijednost nabavke iznosila je 40.000,00 KM (bez PDV-a). Kriterij za dodjelu ugovora je najniža cijena.

U ostavljenom roku za dostavljanje ponuda, pristigle su dvije ponude, po redoslijedu zaprimanja kako slijedi:

r/b	Naziv ponuđača	Cijena bez PDV-a u KM	Cijena sa PDV-om u KM
1.	„Kopkomerc“ d.o.o. Živinice	65.025,00	76.079,25
2.	„Elprom-Zamboni“ d.o.o. Maglaj	78.300,00	91.611,00

Odlukom broj 05-04-20-1392/20 od 20.04.2020. godine, imenovana je Komisija za javne nabavke u 2020. godini.

U predmetnom postupku Komisija je izvršila javno otvaranje ponuda 17.08.2020. godine, s početkom u 12,15 sati, o čemu je sačinila zapisnik o otvaranju ponuda. Javnom otvaranju ponuda prisustvovao je ovlašteni predstavnik ponuđača „Elprom-Zamboni“ d.o.o. Maglaj, Merima Bašić, uz predočeno ovlaštenje, broj 77/20 od 17.08.2020. godine. Zapisnik o otvaranju ponuda je dana 17.08.2020. godine proslijeđen ponuđačima koji su učestvovali u ovom postupku, a koji su ga uredno zaprimili.

Na zatvorenom sastanku, održanom dana 17.08.2020. godine, Komisija je pristupila pregledu i ocjeni ponuda i utvrdila da su sve dostavljene ponude formalno-pravno ispravne, nakon čega je zakazana e-aukcija, za dan 19.08.2020. godine, s početkom u 14,30 sati.

Nakon održane e-aukcije, Komisija je sačinila konačnu rang listu ponuda i utvrdila najpovoljnijeg ponuđača, kako slijedi u tabeli:

r/b	Naziv ponuđača	Cijena / KM za ugovor bez PDV-a	Cijena / KM za ugovor sa PDV-om
1.	„Kopkomerc“ d.o.o. Živinice	65.025,00	76.079,25
2.	„Elprom-Zamboni“ d.o.o. Maglaj	78.300,00	91.611,00

Budući da su obje zaprimljene ponude iznad procijenjene vrijednosti nabavke, ovaj ugovorni organ je analizirao sve okolnosti konkretnog slučaja kako bi utvrdio da li može prihvatiti ponudu koja prelazi procijenjenu vrijednost, odnosno da li može obezbijediti nedostajuća finansijska sredstva, a prema odredbi člana 69. stav (2) tačka e) Zakona o javnim nabavkama.

Odredba člana 69. stav (2) tačka e) Zakona propisuje da će se postupak poništiti ukoliko su cijene svih prihvatljivih ponuda znatno veće od osiguranih sredstava za predmetnu nabavku. Zakon nije odredio šta se smatra znatno većom cijenom, nego to prepušta na procjenu ugovornom organu u svakom konkretnom slučaju. U ovom postupku, ugovorni organ može obezbijediti nedostajuća finansijska sredstva za realizaciju ove nabavke.

Dakle, kako je cijena najniže prihvatljive ponude u vrijednosnom razredu za koji se može provesti konkurentski postupak za nabavku radova, odnosno nije pređen prag koji bi obavezivao na primjenu otvorenog ili ograničenog postupka, te kako je ugovorni organ uspio da obezbijedi nedostajuća finansijska sredstva, to ne postoji zakonska prepreka za prihvatanje ponude ponuđača „Kopkomerc“ d.o.o. Živinice i zaključivanje ugovora, shodno članu 69. stav (2) tačka e) Zakona.

Na osnovu izloženog, a primjenom čl. 64. stav 1. tačka b) i 69. stav (2) tačka e) Zakona o javnim nabavkama, odlučeno je kao u dispozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Ponuđači 2x
2. Služba za urbanizam, geodetske i imovinsko-pravne poslove
3. a/a

